


# VIÐBRAGÐSÁÆTLUN ALMANNAVARNA

## Heilsuleikskólinn Hamravellir



Almannavarnadeild  
ríkislögreglustjórans

Sóttvarnalæknir

Menntamálaráðuneyti

## Efnisyfirlit

1.	<i>Inngangur að viðbragðsáætlun</i> .....	3
2.	<i>Heimsfaraldur influensu</i> .....	4
3.	<i>Háskastig almannavarna</i> .....	5
4.	<i>Virkjun viðbragðsáætlana skóla</i> .....	9
5.	<i>Stjórnun og lykilstarfsmenn skólans</i> .....	10
6.	<i>Starfssvæði skólans og umfang</i> .....	11
7.	<i>Áhættumat vegna influensufaraldurs</i> .....	12
8.	<i>Viðbragðsáætlun –NN-skóla- við heimsfaraldri influensu</i> .....	14
9.	<i>Samskiptaleiðir</i> .....	16
10.	<i>Kort og teikningar</i> .....	17
11.	<i>Dreifingarlisti</i> .....	19
12.	<i>Breytingasaga</i> .....	20

# 1. Inngangur að viðbragðsáætlun

Viðbragðsáætlun þessi segir fyrir um skipulag og stjórn aðgerða í Heilsuleikskólanum Hamravöllum í samræmi við áætlun Almannaþingarinnar um viðbrögð við heimsútbreiðslu influensu.

Markmið viðbragðsáætlana skóla eru að tryggja skipulögð og samræmd viðbrögð allra skólastofnana sem og starfsmanna þeirra þegar til influensufaraldurs kemur.

Við gerð áætlunarinnar er meðal annars stuðst við lög um almannavarnir nr. 82/2008 og lög um sóttvarnir nr. 19/1997.

Áætlunin er í samræmi við Landsáætlun vegna heimsfaraldurs influensu.

Viðbragðsáætlunir skóla hafa samræmda uppbyggingu. Kaflar 2, 3, 4 og 7 eru sameiginlegir og geyma almennar upplýsingar frá menntamálaráðuneyti, almannavarnadeild ríkislögreglustjóra og embætti sóttvarnalæknis. Aðra kafla semja skólarnir sjálfir og mynda þeir hina eiginlegu viðbragðsáætlun hvers skóla.

Ábyrgð á áætlun þessari er í höndum leikskólastjóra Heilsuleikskólans Hamravalla. Áætlunin verður endurskoðuð á a.m.k. fimm ára fresti, en yfirfarin árlega t.d. hvað varðar boðleiðir, gátlista og starfssvæði skóla. Ef miklar breytingar verða á starfsemi skólans verður áætlunin þegar í stað endurskoðuð.

Áætlunin verður kynnt fyrir starfsmönnum skólans, nemendum og forráðamönnum ólöggráða nemenda. Hún er aðgengileg á heimasíðu leikskólans; [www.hamravellir.skolar.is](http://www.hamravellir.skolar.is)

Áætlun þessi tekur þegar gildi.

Hafnarfirði 12. október 2010.

Ragnheiður Gunnarsdóttir, leikskólastjóri.

## 2. Heimsfaraldur inflúensu

### Saga heimsfaraldra inflúensu

Allt frá 16. öld hafa heimsfaraldrar inflúensu riðið yfir heiminn að minnsta kosti tvisvar til þrisvar á öld. Á 20. öldinni riðu þrjár heimsfaraldrar inflúensu yfir. Sá fyrsti geisaði 1918 og var afar mannskæður. Hann var nefndur spænska veikin en talið er að 50-100 milljón manns hafi látið lífið af hans völdum. Hinir tveir heimsfaraldrarnir riðu yfir 1957 og 1968 en ollu mun minna manntjóni. Á Íslandi gekk spænska veikin á suðvesturluta landsins á tímabilinu frá október til desember 1918 en áður hafði væg sumarinflúensa gengið yfir 1918. Spænska veikin hófst í ágúst í Evrópu og Norður-Ameríku.

Talið er að um 60% Reykvíkinga hafi veikst af spænsku veikinni og að allt að 500 manns látist á landinu öllu. Íslendingar geta dregið nokkurn lærdóm af reynslu þjóðarinnar frá þeim tíma. Til að hindra útbreiðslu veikinnar voru settar ferðatakmarkanir og lokað var fyrir umferð um Holtavörðuheidi og einnig yfir Mýrdalssand. Með þessu tókst að hindra að veikin bærist til Norðurlands og Austurlands en til Vestfjarða barst hún með skipum.

Þar sem að fyrri faraldrar hafa riðið yfir á um 40 ára fresti og síðasti faraldur geisaði fyrir 40 árum hefur verið búist við nýjum faraldri í nokkurn tíma. Í apríl greindist nýr stofn inflúensuveiru í mönnum (H1N1) í Mexíkó og Bandaríkjunum. Þessi stofn hefur breiðst nokkuð hratt út um heimsbyggðina og þegar þetta er skrifað (30. júlí 2009) hafa 46 tilfelli greinst á Íslandi. Til þessa hafa veikindi verið væg og dauðsföll fátíð. Rétt er að benda á að skæð inflúensa af A stofni (H5N1) hefur breiðst út í fuglum undanfarin 10 ár og í stöku tilfellum borist í menn með alvarlegum afleiðingum.

Viðbragðsáætlanir skulu vera í samræmi við Landsáætlun vegna heimsfaraldurs inflúensu sem undirrituð var 28. mars 2008 og er að finna á [www.almannavarnir.is](http://www.almannavarnir.is) og [www.influensa.is](http://www.influensa.is)

### Markmið viðbragðsáætlunar hvers skóla

Viðbragðsáætlun vegna heimsfaraldurs inflúensu miðar að því að lágmarka áhrif inflúensufaraldurs og afleiðingar hans innan skólans með því að:

- Skilgreina mikilvæga verkþætti menntastofnunar og lykilstarfsmenn og staðgengla.
- Draga úr útbreiðslu faraldurs á vinnustaðnum og lágmarka smithættu.
- Styrkja nauðsynlega starfsemi og treysta innviði skólans.
- Upplýsa starfsmenn, nemendur og foreldra.
- Veita nauðsynlega fræðslu.
- Eiga til samræmdar áætlanir vegna hugsanlegs samkomubanns og þar með lokunar skóla.

### 3. Háskastig almannavarna

#### Almannavarnastig

Viðbragðsáætlunum almannavarna er skipt í þrjú stig sem skilgreina alvarleika þess ástands sem steðjar að. **Háskastigin eru: Óvissustig, hættustig og neyðarstig.**

Til þess að gefa til kynna umfang almannavarnaviðbragða, þ.e. fjölda þeirra eininga sem virkjaðar eru í þágu almannavarna í hvert sinn, þörf fyrir víðtæka samhæfingu og fjölda stjórnstiga er hægt að skilgreina umfang á hverju almannavarnastigi með litum sem hér segir:

- **Grænt**

Atburði er sinnt af fáum viðbragðsaðilum.

- **Gult**

Alvarlegur atburður og sinnt af mörgum viðbragðsaðilum.

- **Rautt**

Mjög umfangsmikill atburður á mörgum svæðum.

- **Svart**

Þjóðarvá - hamfarir eða atburðir sem hafa áhrif á mörg umdæmi á sama tíma.

Með hliðsjón af þessu taka sóttvarnalæknir og ríkislögreglustjóri ákvörðun um umfang aðgerða í hverju sinni og upplýsa viðbragðsaðila.

### Óvissustig

#### Athuganir, mælingar, hættumat

##### Skilgreining:

Nýr undirflokkur influensuveiru greinist í mönnum en sýking milli manna er ekki þekkt nema í undantekningartilfellum og þá við mjög náð samband.

#### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Samráð / samstarf er við mikilvæg erlend samtök og stofnanir.
2. Samráð / samstarf milli innlendra stofnana, samtaka, fyrirtækja og félaga.
3. Skráning upplýsinga um staði þar sem sýking (H5N1? – önnur sýking ?) hefur komið upp.
4. Athugun á birgðastöðu matar, lyfja og annarrar nauðsynjavöru.
5. Athugun á boðleiðum, fjarskiptum og fleiru þess háttar.
6. Æfingar, almannavarnaæfing, minni æfingar innan stofnana og / eða hjá aðilum, sem hafa sameiginleg verkefni.

## Hættustig

### Viðbúnaður vegna hættu

#### Skilgreining:

1. Engin staðfest sýking hérlandis.
2. Litlar hópsýkingar af völdum nýs undirflokks inflúensuveirunnar brjótast út hjá mönnum á takmörkuðu svæði en veiran virðist ekki hafa lagað sig vel að mönnum.
3. Umtalsverðar hópsýkingar brjótast út hjá mönnum en þær eru enn staðbundnar. Vísbendingar eru um að veiran aðlagist mönnum í vaxandi mæli en þó ekki þannig að umtalsverð hætta sé á heimsfaraldri.

#### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Ráðstafanir gerðar til að koma í veg fyrir að sýktir einstaklingar komi til Íslands.
2. Komi fólk frá sýktum svæðum til Íslands fer fyrsta læknisrannsókn fram í flughöfnum (Keflavík) og höfnum.
3. Söfnun og úrvinnsla faraldursfræðilegra upplýsinga.
4. Hugsanlega loka einhverjum höfnum / flugvöllum.
5. Heimasóttkví hugsanlega beitt gegn þeim sem eru einkennalausir en gætu hafa smitast.
6. Skip hugsanlega sett í sóttkví.
7. Skipulögð dreifing / taka fyrirbyggjandi inflúensulyfja meðal áhættuhópa íhuguð.
8. Athuga með heimköllun Íslendinga frá svæðum þar sem hópsýkingar af völdum nýs stofns inflúensu hafa brotist út.

## Neyðarstig

### Neyðaraðgerðir vegna atburða

#### Skilgreining;

1. Stofn inflúensuveirunnar hefur fundist í einum eða fleiri einstaklingum hérlandis eða heimsfaraldri hefur verið lýst yfir. Vaxandi og viðvarandi útbreiðsla smits meðal manna.

#### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Viðbragðskerfi að fullu virkjað.
2. Samkomubann, lokun skóla o.fl.
3. Útskrift sjúklinga af sjúkrahúsum.
4. Skipulögð dreifing / taka fyrirbyggjandi inflúensulyfja meðal áhættuhópa.

## Skammstafanir og orðskýringar

<b>AR</b>	Sýkingartíðni
<b>AVD</b>	Almannavarnadeild
<b>AVN, Av-nefnd</b>	Almannavarnanefnd
<b>CDC</b>	Sóttvarnastofnun Bandaríkjanna
<b>CFR</b>	Dánarhlutfall sjúkdóms
<b>ECDC</b>	Sóttvarnastofnun Evrópusambandsins
<b>ESB</b>	Evrópusambandið
<b>LL</b>	Landlæknisembættið
<b>RLS</b>	Ríkislögreglustjórinn
<b>RÚV</b>	Ríkisútvarpið
<b>SST</b>	Samhæfingarstöðin, Skógarhlíð
<b>SVL</b>	Sóttvarnalæknir
<b>WHO</b>	Alþjóðaheilbrigðismálastofnunin

<b>DMR</b>	Dómsmálaráðuneyti
<b>HBR</b>	Heilbrigðisráðuneyti
<b>MRN</b>	Menntamálaráðuneyti

## Sóttvarnaráðstafanir

Heilbrigðisráðherra kveður á um **samkomubann** samkvæmt tillögu sóttvarnalæknis (sbr. 12. gr. laga nr. 19/1997). Almannavarnadeild ríkislögreglustjóra sér um framkvæmd samkomubanns í samvinnu við dómsmálaráðuneyti og lögreglustjóra. Í samkomubanni felst að fjöldsamkomur eru óheimilar, s.s. fundarhöld, skólastarf, skemmtanir á borð við dansleiki, leiksýningar og reglulegar guðsþjónustur. Samkomubann er sett samkvæmt nánari fyrirmælum sóttvarnalæknis. Þegar ekki eru lengur forsendur fyrir samkomubanni afléttir heilbrigðisráðherra því samkvæmt tillögu sóttvarnalæknis.

Heilbrigðisráðherra er heimilt að fenginni tillögu sóttvarnalæknis að **takmarka ferðafrelsi** manna með því að grípa til afkvíunar byggðarlaga og landsins alls og einangrunar sýktra manna, sbr 12. gr. sóttvarnalaga nr. 19/1997. Sóttvarnalæknir gefur fyrirmæli um nánari tilhögun takmarkana á ferðafrelsi. Almannavarnadeild sér um framkvæmd þessara ráðstafana í samvinnu við dómsmálaráðuneyti og lögreglustjóra.

## Háskastig WHO

Alþjóðaheilbrigðisstofnunin (WHO) í samvinnu við sóttvarnastofnanir í Bandaríkjunum (CDC) og Evrópu (ECDC) ásamt framkvæmdastjórn ESB hafa með sér náið samstarf við að fylgjast með og meta stöðuna. Íslendingar fá upplýsingar frá WHO og hafa jafnframt nána samvinnu við ECDC og ESB um vöktun og viðbrögð.

Í stigaskipan WHO er gert ráð fyrir þremur skeiðum í heimsfaraldri; *skeið á milli heimsfaraldra, viðvörðunarskeiði og skeiði heimsfaraldurs*. Innan hvers skeiðs eru skilgreind mismunandi stig og eru þau sex talsins.

Stig WHO segja meira til um útbreiðslu frekar en alvarleika sýkingar. Stig 6, *skeið heimsfaraldurs*, getur verið vaxandi útbreiðsla á vægri influensu. Viðbragðsáætlun ráðuneyta gegn heimsfaraldri influensu er gerð með háskastig almannaþinga til hliðsjónar en stigaskipan WHO er mikið notuð í fjölmiðlum og er sett hér fram til skýringar.

Háskastig WHO	
Stig heimsfaraldurs	Markmið aðgerða
<p><b>Skeið milli heimsfaraldra</b></p> <p>Stig 1. Enginn nýr influensustofn hefur greinst í mönnum.</p> <p>Stig 2. Enginn nýr stofn influensuveiru hefur greinst í mönnum. Stofn influensuveiru geisar í dýrum og talinn geta ógnað mönnum.</p> <p><b>Viðvörðunarskeið</b></p> <p>Stig 3. Nýr stofn influensuveiru hefur greinst í mönnum en ekki er vitað til þess að hann berist manna á milli nema í undantekningartilfellum og þá við mjög náið samband manna.</p> <p>Stig 4. Litlar hópsýkingar brjótast út hjá mönnum á takmörkuðu svæði af völdum nýs stofns influensu en hann virðist ekki hafa lagað sig vel að mönnum.</p> <p>Stig 5. Umtalsverðar hópsýkingar brjótast út hjá mönnum en þær eru enn staðbundnar. Vísbindingar eru um að veiran hafi í vaxandi mæli aðlagast mönnum, þó ekki í þeim mæli að umtalsverð hætta sé á heimsfaraldri.</p> <p><b>Skeið heimsfaraldurs</b></p> <p>Stig 6. Heimsfaraldur: Vaxandi og viðvarandi útbreiðsla smits á meðal manna.</p>	<p>Styrkja viðbúnað við heimsfaraldri influensu.</p> <p>Lágmarka hættu á smiti, uppgötva og tilkynna slík smit án tafar.</p> <p>Tryggja hraða greiningu á nýjum stofni veirunnar. Greina tilfelli fljótt og tilkynna þau án tafar. Hröð viðbrögð við fleiri tilfellum.</p> <p>Halda nýjum stofni innan afmarkaðs svæðis/upsprettu eða seinka útbreiðslu og vinna tíma til að bregðast við (bóluefni ofl.).</p> <p>Hámarksáhersla er lögð á að koma í veg fyrir eða seinka útbreiðslu og, ef mögulegt, afstýra heimsfaraldri og vinna tíma til að hrinda í framkvæmd sóttvarnaráðstöfunum.</p> <p>Draga úr afleiðingum heimsfaraldurs eins og unnt er.</p>

## 4. Virkjun viðbragðsáætla skóla

Sóttvarnalæknir tilkynnir breytingar á háskastigi (sjá nánar um stig í kafla 3).

### Breyttur viðbúnaður í skólum

Tilkynntar breytingar á háskastigi sem kalla á sérstök viðbrögð skóla á tilteknu sóttvarnasvæði eða landinu öllu verða staðfestar af menntamálaráðuneytinu með tilkynningu í fjölmiðlum og á heimasíðu þess [www.menntamalaraduneyti.is](http://www.menntamalaraduneyti.is) og eftir atvikum með tölvupósti til skólastjórnenda og sveitarfélaga.

**Viðbúnaður í einstökum skólum.** Til þess getur komið að gera verði breytingar á skólahaldi í einstökum skólum án þess að tilkynnt hafi verið um breytt háskastig, t.d. vegna mikilla forfalla. Skólastjórnendur bera ábyrgð á slíkum breytingum með hefðbundnum hætti. Eðlilegt er að haft sé samráð við sóttvarnalækni á svæði skóla áður en veigamiklar breytingar á skólahaldi vegna inflúensu eru ákveðnar.

**Afboðun.** Þeir þættir viðbragðsáætla skóla sem virkjaðir eru skulu ekki aflagðir fyrir en formleg boðun um það kemur frá yfirvöldum.

### Helstu verkefni skóla á einstökum stigum

#### Óvissustig

Unnið að gerð viðbúnaðaráætlunar. Skólarnir upplýsa starfsfólk, nemendur og aðstandendur þeirra og aðra hagsmunaaðila um undirbúning og viðbrögð komi til hættu- eða neyðarástands.

#### Hættustig

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um skólahald á hættustigi.

#### Neyðarstig (e.t.v. samkomubann)

Stjórnendur hvers skóla stýra starfmönnum til þeirra verkefna sem lýst er í viðbragðsáætlun skólans um starfsemi hans á neyðarstigi. Komi til samkomubanns verður skólum lokað á tilteknu svæði eða landinu öllu.

## 5. Stjórnun og lykilstarfsmenn skólans

### Verkefni skóla:

**Starfsmannafjöldi** leikskólans ákvarðast af barngildum og sérkennslustundum á ári hverju.

**Leikskólastjóri** er yfirmaður leikskólans og ber faglega og rekstrarlega ábyrgð á leikskólastarfinu.

**Aðstoðarleikskólastjóri** er staðgengill leikskólastjóra að honum fjarverandi og er honum til ráðuneytis um tilhögun innan leikskólans.

**Deildarstjórar** eru fimm og bera ábyrgð á leikskólastarfinu, barnahópnum og foreldrasamstarfi á sinni deild. Þeir annast einnig daglega verkstjórn, þjálfun nýrra starfsmanna og bera ábyrgð á að miðla upplýsingum innan skólans og til foreldra.

**Leikskólastjóri** : Ragnheiður Gunnarsdóttir

**Aðstoðarleikskólastjóri**: Iðna B. Gísladóttir

**Deildarstjóri Krummakots**: Heiðar Örn Kristjánsson

**Deildarstjóri Mosakots**: Emilía Kristjánsdóttir

**Deildarstjóri Birkikots**: Kristín Björg Hákonardóttir

**Deildarstjóri Hraunkots**: Hildur Kristjánsdóttir

**Deildarstjóri Hvannakots**: Brynja Sif Brynjarsdóttir

## 6. Starfssvæði skólans og umfang

### Verkefni skóla.

**Húsnæði:** Heilsuleikskólinn Hamravellir er staðsettur á Hvannavöllum 1, 221 Hafnarfirði. Ekið er eftir Eskivöllum og beygt inn Hvannavelli á Hvannatorgi.

Í dag eru Hamravellir 5 deilda leikskóli fyrir allt að 120 börn og 30 starfsmenn. Fjórar deildir eru inni í aðalbyggingunni og nefnast þær Birkikot, Hraunkot, Hvannakot og Mosakot. Krummakot er í viðbættu húsnæði á útisvæði leikskólans.

Hvannakot og Hraunkot eru með tvö leikrými hvor, salerni og leikfangasafn en deila með sér listasmiðju ásamt Krummakoti. Birkikot er með tvö leikrými, salerni og leikfangasafn. Mosakot hefur þrjú leikrými, salerni og leikfangasafn en deila listasmiðju með Birkikoti. Krummakot hefur eitt leikrými, eldhús og salerni.

Listasmiðjur eru tvær í leikskólanum og er önnur staðsett á milli Hvannakots og Hraunkots en hin á milli Mosakots og Birkikots.

Í miðrými leikskólans er fullbúið eldhús, skrifstofur, sérkennslustofa, viðtalsherbergi, starfsmannaaðstaða og íþróttasalur.

Leikskólinn er opinn alla virka daga frá kl. 7:30 – 17:00. Börnin eru með breytilegan dvalartíma frá 4 klst upp í 9,5 klst á dag.

Leikskólinn Hamravellir lokar vegna sumarleyfa í fjórar vikur yfir sumarmánuðina. Sá tími er ákvarðaður út frá sumarlokunum leikskóla sem Hafnarfjarðarbær rekur en Fræðsluráð Hafnarfjarðar ákvarðar tímasetningu sumarlokana sinna skóla.

Leikskólinn Hamravellir er lokaður fimm daga á ári vegna skipulagsdaga. Starfsfólk notar þá daga til skipuleggja starf skólans og til endurmenntunar. Skipulagsdagarnir eru skráðir á skóladagatal og einnig auglýstir á upplýsingatöflum skólans, heimasíðu og með tölvupósti.


## 7. Áhættumat vegna inflúensufaraldurs

### Bráðabirgðamat 10.8.09 á afleiðingum heimsfaraldurs inflúensu á komandi vikum fyrir landið allt

Sóttvarnalæknir hefur gert bráðabirgðamat á afleiðingum heimsfaraldurs inflúensu sem gengur yfir um þessar mundir þar sem tillit er tekið til afleiðinga sambærilegar hefðbundnum árlegum inflúensufaraldri (30% sýkingartíðni, 1% tíðni alvarlegra sjúkdómseinkenna og 0,1% dánartíðni). Litið er á alvarleika þessa heimsfaraldurs til jafns við árstíðabundinn inflúensufaraldur. Mun fleiri sýkjast þó í heimsfaraldri (30-50%) en í hefðbundnum árlegum faraldri (5-10%). Þetta leiðir til þess að fleiri munu veikjast alvarlega og fleiri látast af völdum heimsfaraldursins þótt hann sé hlutfallslega ekki skæðari en venjuleg inflúensa.

Mikilvægt er að hafa í huga að bráðabirgðamat þetta þarf ekki að endurspegla raunverulega útkomu faraldursins en er fyrst og fremst ætlað að vera viðbragðsaðilum til hjálpar við að undirbúa aðgerðir.

Algengt er að inflúensufaraldur berist í tveimur eða þremur hrinum á allt að árs tímabili. Hver hrina byrjar með lágri sýkingartíðni sem eykst og nær hámarki og fellur aftur á nokkurra vikna tímabili, oftast 8-12 vikum. Sýkingartíðnin er þá há í nokkrar vikur í hverri hrinu.



Búast má við að sýkingartilfelli dreifist á 12 vikna tímabili, sjá töflu, skv. embætti sóttvarnalæknis.

Vika	1	2	3	4	5	6	7	8	9	10	11	12
%	1%	4%	15%	22%	23%	15%	8%	5%	3%	2%	1%	1%

Eins og sjá má er líklegt að um nokkrar fjarvistir starfsmanna verði að ræða í inflúensufaraldri. Fjöldi fjarvista er háður því hversu alvarlegur faraldurinn verður og einnig hver viðbrögð almennings verða. Fjarvistir starfsmanna geta stafað af mismunandi ástæðum, til dæmis vegna:

- smits af inflúensu
- annarra veikinda
- annarra fjölskyldumeðlima sem þarf að hugsa um, vegna veikinda eða lokun leikskóla og skóla
- beiðna vinnuveitanda um að halda sig fjarri vinnustað og vinna heiman frá sér
- beiðna heilbrigðisyfirvalda um heft ferðafrelsi eða samkomubann
- raskana á almenningssamgöngum eða ótta starfsmanna við að ferðast innan um hóp fólks
- ótta starfsmanna við að smitast ef þeir mæta til vinnu.

Fjarvistir starfsmanna munu verða mestar þegar sýkingartíðni er hæst í faraldri, eða u.þ.b. í 5. viku af u.þ.b. 12 vikum. Búast má við tveimur til þremur hrinum af inflúensufaraldri með nokkurra mánaða millibili.

Það er ekki hægt að spá fyrir með vissu hverjar fjarvistir á vinnustöðvum verða. Það veltur m.a. á því um hversu skæða farsótt er að ræða, hvernig starfsmenn meta hættuna, hvort skólum er lokað og til hvaða ráða er tekið í viðbrögðum vinnustaða í þeim tilgangi að minnka líkur á fjarvistum og smiti innan vinnustaðarins.

## 8. Viðbragðsáætlun Heilsuleikskólans Hamravalla við heimsfaraldri inflúensu

### Verkefni skóla:

Fræðsla til starfsmanna felst í upplýsingum um forvarnir. Settar hafa verið upp leiðbeiningar um hreinlæti og þrif. Einnig eru settar upp í fataklefum og í almenn rými skólans upplýsingar um smitleiðir og forvarnir gegn inflúensufaraldurs.

Börnum er kennt að þvo hendur og þurrka.

Ef fjöldi starfsmanna er undir viðmiðunarreglum er farið að fyrirmælum Skólaskrifstofu Hafnarfjarðarbæjar.

### Hver annast verkefnisstjórn við gerð, uppfærslu og virkjun viðbragðsáætlunar í hverjum skóla?

Aðstoðarleikskólastjóri og sérkennslustjóri stjórna og virkja viðbragðsáætlun á Heilsuleikskólanum Hamravöllum.

### Hvernig á að upplýsa nemendur, starfsmenn og aðstandendur um inflúensuna, útbreiðsluleiðir og hvernig draga megni úr smitleiðum? Þarf að endurskipuleggja ræstingu í þessu skyni eða útvega hlífðarbúnað?

Dregið er úr smitleiðum með fræðslu um hreinlæti og tryggt að farið sé eftir vinnureglum.

Á upplýsingasíðu Landlæknis [www.influensa.is](http://www.influensa.is) eru greinagóðar upplýsingar um inflúensuna og bæklingur og veggspjöld til útprentunar.

Greinagóðar upplýsingar og vástig er að finna á heimasíðu Almannavarna [www.almannavarnir.is](http://www.almannavarnir.is)

Upplýsingar um breytta ræstingu og hlífðarbúnað má fá á [www.influensa.is](http://www.influensa.is)

### Hvernig á að bregðast við veikindatilfellum nemenda í skólanum?

Í Heilsuleikskólanum Hamravöllum er almennt veikindaskráning barna liður í skráningu í Heilsubók barnsins. Það gerir skólanum kleift að hafa góða yfirsýn á heilsufar og bregðast við inflúensu snemma.

### Hvernig er skipulagning afleysingakerfis lykilstarfsmanna (skólastjórnenda) ef til veikinda hjá þeim kemur?

Aðstoðarleikskólastjóri er staðgengill leikskólastjóra. Ef bæði leikskólastjóri og aðstoðarleikskólastjóri eru fjarverandi er næstráðandi eftirfarandi:

1. Guðrún Erla Árnadóttir - sérkennslustjóri
2. Emilía Kristjánsdóttir - deildarstjóri
3. Kristín Björg Hákonardóttir - deildarstjóri
4. Heiðar Örn Kristjánsson - deildarstjóri
5. Brynja Sif Brynjarsdóttir - deildarstjóri
6. Hildur Kristjánsdóttir - deildarstjóri

### Komi til lokunar skóla

#### Hvernig verður lokun auglýst og aflýst?

Það er á ábyrgð leikskólastjóra að meta hvort þurfi að loka leikskólanum í ljósi aðstæðna. Slík ákvörðun er tekin í samráði við Skólaskrifstofu Hafnarfjarðar og sóttvagnarlækni. Hringt verður í foreldra til þess að tilkynna lokun leikskólans ef til hennar kemur og einnig þegar tilkynnt er að leikskólinn muni opna að nýju. Leikskólastjóri ber fyrstu ábyrgð og gefur deildarstjórum fyrirmæli. Deildarstjórar hringja í foreldra á sinni deild.

Leikskólastjóri gefur út skriflegan texta sem deildarstjórar ábyrgjast að komist til skila til foreldra. Tilkynningin er prentuð út, hengd upp í almennum rýmum leikskólans, send á netföng foreldra og skólans. Einnig verða auglýsingar settar á útihurðar leikskólans.

**Hvaða boðleiðir til og frá skóla haldast opnar þannig að nauðsynlegt upplýsingastreymi haldist gangandi?**

Á heimasíðu leikskólans [www.hamravellir.skolar.is](http://www.hamravellir.skolar.is) koma fram upplýsingar um lokun leikskólans. Leikskólastjóri er ávallt tiltækur í síma 617-8991. Tölvupóstur verður sendur á netföng foreldra og starfsmanna með upplýsingum um lokun leikskólans.

**Verður unnt að halda úti áframhaldandi skólastarfi í einhverri mynd þrátt fyrir lokun skóla?**

Farið verður alfarið eftir gátlista Almannavarna um viðbúnaðarstig og tilmælum þeirra sem varða skólastigið. Mismunandi er eftir skólastigum hvort um áframhaldandi skólalokun er um að ræða eftir lokun.

**Hvernig verður tryggð umsýsla fasteigna og öryggismála meðan á lokun stendur?**

Leikskólastjóri er ábyrgur fyrir að finna aðila til að líta eftir fasteignum skólans á meðan til lokunar kemur.

**Hvernig verður staðið að skipulagningu skólastarfs eftir opnun?**

Leikskólastjóri hefur yfirumsjón með skipulagningu skólastarfsins. Stjórnendateymi skólans mun skipuleggja og endurskoða kennsluáætlanir um leið og ljóst er að skólinn verði opnaður aftur.

## 9. Samskiptaleiðir

Lykilaðilar er varðar boðun og afboðun

Starfsmenn skóla/skólaskrifstofa/stjórna

Ragnheiður Gunnarsdóttir, Leikskólastjóri	hamravellir @skolar.is & alfholt46b @simnet.is	Álfholti 46 b – 220 Hafnarfirði	891-9567 & 6178991	5655382
Iða Brá Gísladóttir, Aðstoðarleikskólastjóri	hamravellir1 @skolar.is & idagisla @internet.is	Eskivöllum 19, 221 Hafnarfirði	693-5196	445-5208
Guðrún Erla Árnadóttir, sérkennslustjóri	serkennsla.hamravellir @skolar.is & gudrun.arnadottir @simnet.is	Eyrarholti 1, 220 Hafnarfirði	822-2257	565-5224

Skólaskrifstofa Hafnarfjarðar, leikskólafulltrúi: Sigurborg Kristjánsdóttir.

## 10. Kort og teikningar

### Sóttvarnasvæðin

Íslandi er skipt upp í átta sóttvarnaumdæmi og er sóttvarnalæknir skipaður í hverju þeirra. Í stórum sóttvarnaumdæmum eru skipaðir sóttvarnalæknar ákveðinna svæða. Sjá mynd 10.1.

### Sóttvarnalæknar umdæma og svæða

#### Höfuðborgarsvæðið

Lúðvík Ólafsson framkvæmdastjóri heilsugæslu Höfuðborgarsvæðisins  
Gunnar Ingi Gunnarsson, heilsugæslulæknir Árbæ, Reykjavík

#### Vesturland

Þórir Bergmundsson, Heilbrigðisstofnun Vesturlands, Akranesi  
Friðrik Jónsson, St. Fransiskuspítalinn í Stykkishólmi

#### Vestfirðir

Fjöltnir Freyr Guðmundsson, Heilbrigðisstofnun Vestfjarða, Ísafirði

#### Norðurland

Þórir V. Þórisson, Heilsugæslan Akureyri  
Ásgeir Böðvarsson, Heilbrigðisstofnun Þingeyinga, Húsavík  
Héðinn Sigurðsson, Heilbrigðisstofnunin Blönduósi

#### Austurland

Stefán Þórarinsson, Heilbrigðisstofnun Austurlands, Egilsstöðum  
Björn Magnússon, Heilbrigðisstofnun Austurlands, Neskaupstað

#### Suðurland


Óskar Reykdalsson, Heilbrigðisstofnun Suðurlands, Selfossi

#### Vestmannaeyjar

Karl Björnsson, Heilbrigðisstofnun Vestmannaeyja

#### Suðurnes

Sigurður Árnason, Heilbrigðisstofnun Suðurnesja, Reykjanesbær  
Sigurjón Kristinsson, Heilbrigðisstofnun Suðurnesja, Reykjanesbær





## 11. Dreifingarlisti

Eintakið er vistað rafrænt á eftirtöldum vefsíðum: [www.hamravellir.skolar.is](http://www.hamravellir.skolar.is)

Auk þess eru rafræn og prentuð eintök vistuð á eftirtöldum stöðum:

Deildir innan skólans, nefnið allar og fjölda eintaka	
Heimasíða leikskólans	<a href="http://www.hamravellir.skolar.is">www.hamravellir.skolar.is</a>
Skrifstofa leikskólastjóra	1 stk.
Skrifstofa aðstoðarleikskólastjóra	1 stk.
Kaffistofa	1 stk

## 12. Breytingasaga

Útgáfa	Dagsetning	Skýringar / breytingar	Fært inn af:
	10/08/2009	Sniðmát menntamálaráðuneytis sent skólanum	
1.0	25/10/2010	Viðbragðsáætlun skóla birt	IBG